

2020-2021 ՈՒՍՈՒՄՆԱԿԱՆ ՏԱՐԻՆ

ԱՆԱԼՑԻՒՄԻ ԴՊՐՈՑԸ ՇԱՐՈՒՆԱԿՈՒՄ Ե ՌԻՐԱԽԱՑՆԵԼ ԻՐ ԱՌԱՋԻՆ ԴԱՍԱՐԱՆՑԻՆԵՐԻ ՄԵԾ ԹՎՈՎ



ԱՆՍԱՆՆԱ ԳՐԱԳՐՈՎԱ

Ուսումնական մեկնարկն այս տարի արտասովոր է ու շնորհավորանքին հաջորդող բարեմաղաքներն ամնիջապես՝ առողջությունը: Մեր առողջությունն այս պահին ապահովում է բոլորի առողջությունը, ուստի հետևողական լինենք ինքներս մեր հանդես, խնայելով մեզ շրջապատող ծանոթ-անծանոթ: Առողջ լինենք, մեր երեխաների ուսումնական տարին անխափան եւ ուսումնառատ դարձնելու համար: Այդ գիտակցմամբ էլ հնչեցրեցինք 2020/21 ուսումնական տարվա մեր Առաջին զանգը:

Ախալցխայի 3 հանրային դպրոցում լիարժեք ապահովված են սանիտարահիգիենիկ բոլոր պայմանները: Չնայած, որ մեր մեծ ընտանիքում ուսանում է 616 աշակերտ եւ դասարանները մեծաթիվ են, ապահովել ենք անհրաժեշտ հեռավորությունն ու Վրաստանի կրթության նախարարության կողմից տրվող բոլոր հանձնարարականները՝ տարին սկսելով հիբրիդային ձևաչափով՝ դասարաններում եւ հեռավար:

Առաջին դասարանիցներն այս տարի քառասուներեքն են: Միգուցե դպրոցի առաջին օրը դպրոցում փոքրիկների համար այդքան էլ տպավորիչ չէր, բայց առջեւում են բոլոր տասներկու տարիները, ուստի տխրելու կամ հուսահատվելու կարիք չկա: Համոզված են, գիշերվան հաջորդելու է առավոտը, եւ այս սահմանափակումները հենց լուսավոր օրերի նախապայմանն են լինելու:

Ինչպես մյուս, այնպես էլ մեր դպրոցում համավարակով պայմանավորված չտոնվեց Վերջին զանգը, թեեւ տարին փակեցինք հաջողությամբ: Երեսուներեք շրջանավարտներից երեքն ընդունվել են Հայաստանի, քսա-

նը՝ Վրաստանի բարձրագույն ուսումնական հաստատություններ, այստեղից ինքն՝ Մերուժան Թադեոսյանը, Հռիփսիմե Եգյանը, Անժելա Գրիգորյանը, Լարիսա Առաքելյանը, Մարգարիտա Տոնոյանը, Լեւոն Պետրոսյանը, Անժելա Ռսկանյանը, Մերգեյ Մուրադյանը, Սուսաննա Գրիգորյանը լիարժեք պետական դրամաշնորհով: Ունենք ինք մեղալակիր՝ յոթը ոսկե, երկուսն՝ արծաթե:

Ուրախությամբ ասեմ նաեւ, որ մեր դպրոցի տասը աշակերտ գերազանց առաջադիմության համար ստացել են համակարգիչ՝ «Իմ առաջին համակարգիչ» ծրագրի շրջանակներում:

Այս պահին դպրոցում սովորում է հիսունվեց տասներկուերորդ դասարանցի, հույս ունեւ, որ մինչեւ ուսումնական տարվա ավարտ, ինչպես մեր երկրում, այնպես էլ՝ ամբողջ աշխարհում համավարակը հաղթահարված կլինի, եւ մենք մեծ շուքով կճանապարհենք նրանց դեպի կյանքի նոր փուլ:

Մեկ անգամ եւս շնորհավորում են, բարի ընթացք բուրիս:

ՍՈՒՍԱՆՆԱ ԳՐԱԳՐՈՎԱ
Ախալցխայի #3 հանրային դպրոցի տնօրեն

ԴԱՍԱԼԱ. 12 ՇՐՋԱՆԱՎԱՐՏԻՑ 9-Ը ԴԱՐՁԱՎ ՈՒՍԱՆՈՂ

Սիրելի՛ դպրոցականներ, ուսանողներ, մանկավարժներ, կրթության բնագավառի ներկայացուցիչներ, շնորհավորում են ձեզ՝ նոր ուսումնական տարվա մեկնարկի կապակցությամբ:



ՆԵԼԼԻ ԴՈՒՂՈՒԿՅԱՆ

Այս օրը հիշարժան է բոլոր աշակերտների, նամանավանդ առաջին դասարանցիների համար, ովքեր իրենց ուսուցիչների ուղեկցությամբ առաջին անգամ մտնում են դպրոց՝ զարմանահրաշ մի աշխարհ, որը տարիների ընթացքում կդառնա նրանց համար անչափ հոգեհարազատ, սիրելի ու անմոռանալի մի վայր:

17 ժիր եւ աշխույժ մանուկներ առաջին անգամ ոտք դրեցին դպրոց, որտեղ նրանց սիրով եւ հոգատարությամբ սպասում էր տարրական դասարանների դասվար՝ Արմինե Տոնականյանը:

Նոր ուսումնական տարին թող լինի առավել հազեցած եւ արդյունավետ, քանզի որակյալ կրթությունը մեր ժողովրդի կյանքում միշտ եղել է գերակա նպատակ: Դամալայի հանրային դպրոցը կյանք է ճանապարհել բազում սերունդներ, ոսկե եւ արծաթե մեդալակիր շրջանավարտներ: Այս տարվա շրջանավարտ թագուհի Սահակյանը, իր բարձր առաջադիմության համար, արժանացել է ոսկե, իսկ Աղավնի Նահապետյանը՝ արծաթե մեդալի: Այս տարվա 12 շրջանավարտներից 9-ն ընդունվել են Վրաստանի տարբեր բուհեր, որոնցից 4-ը՝ Թագուհի Սահակյանը, Աղավնի Նահապետյանը, Գրիշա Բալոյանը, Կարապետ Գրիգորյանը բարձր միավորներ հավաքելով ընդունվել են անվճար: Նրանց մաղթում են նորանոր հաջողություններ ու ձեռքբերումներ ուսման բնագավառում:

Երախտիքի խոսք են ուզում հղել շրջանավարտների առաջին դասարանի դասվար, վաստակաշատ ուսուցչուհի Ծովինար Ֆարմանյանին՝ իր տքնաջան աշխատանքի, սերունդների դաստիարակության ձեւավորման գործում: Շնորհակալություն են հայտնում դասուհի Կատին Արեստակյանին՝ դժվարին գործը ստանձնելու համար:

Իմ շնորհակալությունն են ուզում հղել Վրաստանի կրթության, գիտության, մշակույթի եւ սպորտի նախարարությանը, Ասպինձայի ռեսուրս-կենտրոնի վարիչ պարոն Տրիստան Մուրադաշվիլուն, աշխատակազմին՝ աշակերտների որակյալ կրթության մշտապես հոգ տանելու եւ գեղեցիկ ուսումնական միջավայր ստեղծելու, աշակերտներին անվճար ուսումնական դասագրքերով ապահովելու, առաջին դասարանցիներին նուրբ ուշադրություն հատնելու համար:

Ասպինձայի ռեսուրս-կենտրոնի վարիչ պարոն Տրիստան Մուրադաշվիլին, Ասպինձայի մուկիցիպալիտետի Մերի պարոն Ռոստոմ Մազարաբեյլիժեն, սակրեբուլոյի նախագահ պարոն Մամուկա Մելիքիժեն, Դամալա գյուղի պատգամավոր պարոն Էմին Բալոյանը, գյուղապետ պարոն Մարտին Կերեկցյանը, նոր ուսումնական տարվա կապակցությամբ, շնորհավորեցին բոլոր աշակերտներին, իսկ առաջին դասարանի աշակերտներին Ռոստոմ Մազարաբեյլիժեն նվիրեց վրաց լեզվի «Այբուբեն»:

Նոր ուսումնական տարվա մեկնարկի կապակցությամբ, ուզում են շնորհավորել նաեւ «Վրաստան» թերթի անձնակազմին՝ մաղթելով նրանց ստեղծագործական ներուժ ու եռանդ: Եվ շնորհակալություն հայտնել թերթի առաքման համար:

ՆԵԼԼԻ ԴՈՒՂՈՒԿՅԱՆ
Ասպինձայի մուկիցիպալիտետի Դամալայի հանրային դպրոցի տնօրեն

ԴՈՒՇՁԻԻ ԴՊՐՈՑՈՒՄ ՄԵՎՆԱՐԿԵՑ ՈՒՍՈՒՄՆԱԿԱՆ ՏԱՐԻՆ

Մեպտեմբերի 15-ին, պահպանելով սոցիալական հեռավորության հանձնարարականն ու դիմակ կրելու պարտադիր պայմանը, Ծալկայի մունիցիպալիտետի Դուշչի գյուղի հանրային դպրոցը բացեց իր դռները դպրոցականների առջեւ:

Փորձեցինք քիչ թե շատ տոնական տրամադրություն ապահովել: Մեր դպրոցի շենքը մեծ է, աշակերտները սակավաթիվ, ինչը հնարավորություն տվեց բակում ընդունել ոչ միայն նորեկ յոթ առաջին դասարանցիներին, այլև նրանց ծնողներին: Անցած տարի, գյուղում այդ տարիքի երեխաների բացակայության պատճառով չբացվեց առաջին դասարան եւ, ահա այս տարի նորի կազմավորումն արդեն իսկ մեծ ուրախություն էր բերոյին համար:

Նախկինում Դուշչիի հանրային դպրոցը շրջանում առաջիններից էր, որտեղ սովորում էին նաեւ հարեւան հայաբնակ գյուղերի աշակերտները: Բայց ժամանակի ընթացքում պատկերը փոխվեց, եւ այժմ աշակերտների ընդհանուր թիվն ընդամենը 46 է: Անցած ուստարին ավարտեց 4 շրջանավարտ, նրանցից մեկը՝ ոսկե մեդալով եւ այժմ արդեն Վրաստանի բարձրագույն ուսումնական հաստատության ուսանող դառնալով՝ 100 տոկոսանոց դրամաշնորհով:

Դուշչիի դպրոցն ամբողջովին վերանորոգված է եւ ունի անհրաժեշտ բոլոր պայմանները: Գործարդեցինք մեծ ջանքեր եւ նախապատրաստեցինք դասասենյակները, միջանցքները, ուսուցչանոցը, իհարկե, հետեւելով համավարակով պայմանավորված կանոնակարգին: Բոլոր դասասենյակներն ապահովված են փխտահանիչ նյութերով, իսկ օրվա ընթացքում պարտադիր օդափոխվում են: Այդ խստությանը էլ շարունակելու ենք մինչեւ վարակի նահանջը, առաջնային համարելով մեր երեխաների ու մանկավարժների առողջությունը:

Աշակերտները եւ աշխատակազմը դպրոց մտան միայն ջերմաչափում եւ փխտահանում անցնելուց հետո: Աշակերտներին ու մանկավարժներին ողջունեցի այցելելով դասարաններ, քաջալերեցի նրանց եւ ուսման կարեւորության հերթական հորդորը փոխանցեցի, անշուշտ, եւս մեկ անգամ ծանոթացնելով համավարակով պայմանավորված եւ այ-

սուկետեւ դպրոցում հաստատված կարգուկանոնին:

Կրթօջախը կադրերի պակաս չունի, նրանցից վեցն ավագ ուսուցչի կարգավիճակ ունեն: Խնդիրը միայն հայոց լեզվի եւ գրականության ուսուցիչների որակավորման բարձրացման մեջ է, քանզի որ համապատասխան առարկայական քննություն չկա: Ու թեեւ հարցը բարձրացված է, դեռ լուծում չի տրված:

Ինչեւ, տարին մեկնարկել է, եւ այն առավել պատասխանատվություն է կրում իր մեջ, քան նախորդները, շնորհավորում են բոլորին: Թող որ մեկնարկող նորը ուսումնառատ լինի, անխափան եւ ուրախությամբ պսակվող:

ԱԼԼԱ ՄԵՂՐԱԲՅԱՆ
Դուշչիի հանրային դպրոցի տնօրեն



ԱԼԼԱ ՄԵՂՐԱԲՅԱՆ

...ԱՅՍՈՒՐԵՏԵՎ ԿԻՈՍԵՆՔ ՆԱԵՎ ԲԱԼԱՆԹԱՅԻ ԵՎ ԳԻՏԱՐՈՒԼԱՅԻ ՄԱՍԻՆ



ՆԻՆՈ ՍՎԱՄԻԺԵ

«Վրաստանը» հնարավորինս փորձում է հասանելի դառնալ Վրաստանի բոլոր հայաբնակ գյուղերին: Ու նույնիսկ մեր երկրի մամուլի պատմության հետախորհրդային շրջանում, երբ մայրաքաղաքում լույս տեսնող պարբերականները վաճառվում էին միայն թբիլիսյան կրպակներում, «Վրաստանը», շնորհիվ բաժանորդագրության ծառայության իր անձնուրաց ղեկավար, լուսաստղի Անահիտ Բոստանջյանի, հասնում էր մեր երկրի ամենադժվարացանելի հայաբնակ գյուղեր: Հետեւաբար խոսում նաեւ այդ գյուղերի մարդկանց ու կարելու իրադարձությունների մասին:

Իր գրեթե հարյուրամյա պատմության մեջ «Վրաստան» թերթը, ցավոք երբեք չի անդրադարձել Բալանթային եւ կամ Գիտարուլային ու առավելեւս տարածվել Բորժոմիի մունիցիպալիտետում գտնվող այս երկու հայաբնակ գյուղերում, այնինչ երկուսի հայ բնակչությունն էլ ոչ միայն փայլուն տիրապետում է վրացերենին, այլև հաճախում է տեղում գործող հայկական դպրոցներ: Գիտարուլայի դպրոցում սովորում են մինչեւ չորրորդ, ուսումը շարունակելով Բալանթայի բազային դպրոցում մինչեւ 12-րդ դասարանը ներառյալ: Գիտարուլան գտնվում է Տաբատուրի լճի ափին գտնվող Մոլիթի գյուղից 4 կմ հեռավորությամբ, Ախալքալաքի տանող ճանապարհին, իսկ Բալանթան Գիտարուլայից մոտավորապես 1 կմ հեռավորությամբ: Սա միայն աշխարհագրական տվյալներ են, թեեւ գյուղի մասին այլ հետաքրքիր ասելիք էլ կա, որից առաջինը երեւի թե դպրոցն է:

Ուստի ուսումնական տարեկազմի մեր ամենամյա անդրադարձն այս անգամ համարել ենք նաեւ Բալանթայից եւ նրա մասնաճյուղ հանդիսացող Գիտարուլայի դպրոցական լուրերով: Զրուցել ենք դպրոցի, ծնունդով թբիլիսցի Նինո Վասաձեի, որն ընդամենը 31 տարեկան է, բայց արդեն վեց տարի ղեկավարում է դպրոցը:

- Բորժոմիի մունիցիպալիտետի Բալանթայի դպրոցը երկուսից էլ վրացական եւ հայկական, - «Վրաստանի» հետ զրույցում ասաց Նինո Վասաձեի: Այս պահին դպրոցում, ընդհանուր առմամբ, սովորում է 63 աշակերտ: Անցած ուսումնական տարում ունեինք 5 շրջանավարտ, որից երկուսը իրենց ուսումը շարունակելու են մեկը՝ Վրաստանի, մյուսը՝ Հայաստանի բուհերում: Նույն թվով առաջին դասարանցիներ ունենք: Նրանցից երկուսը հայկական, երեքը՝ վրացական բաժիններում: Ինչ վերաբերում է դպրոցի ենթակառուցվածքին, ապա ունենք վերանորոգված սպորտդահլիճ իր սանհանգույցով, տաք ջրով ու հանդերձարանով: Շենքը հին է, կառուցվել է անցյալ դարի 60-ականներին եւ այսօր ենթակա չէ հիմնամորոգման, ուստի հույս ունենք, որ, տեղի իշխանությունների աջակցությամբ, մոտ ժամանակներում կմեկնարկի նոր դպրոցի կառուցումը:

- Ուրախությամբ ասեմ, որ մեր դպրոցը միջնակուրսյին միջավայր է: Ունեցել ենք եւ շարունակում ենք իրականացնել համատեղ ծրագրեր՝ դպրոցի երկու բաժինների մասնակցությամբ: Որպես մանկավարժ մի քանի միջազգային ծրագրեր են իրականացրել մեր երկրում գործող եվրոպական կազմակերպությունների հետ: Իմ աշակերտները շատ լավ են տիրապետում ժամանակակից տեխնոլոգիաներին:

Ունենք պատրաստած մի քանի ծրագրերի բլոգներ: Դպրոցն իր ֆեյսբուքյան էջն ունի, որը պարբերաբար թարմացվում է դպրոցական նորություններով եւ ուսումնական ակտիվներով: Մենք մեկ միասնության մեջ փորձում ենք առավելագույնս նվազեցնել այն հեռավորությունը, որը բաժանում է մեզ քաղաքից, համոզված լինելով, որ կտրելու ենք այն կարծրատիպն՝ իբր գյուղում որակյալ կրթություն անհնար է ստանալ:



ՎԵՐԱՍՏԱՆԻ ԴՊՐՈՑՈՒՄ ԿԱՊԱԿՑՈՒՄ ԵՎ ԳԻՏԱՐՈՒԼԱՅԻ ՄԱՍԻՆ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՆԻԿՈՒ ՓԱՇԽՅԱՆ. «ԿՈՐՈՆԱՎԻՐՈՒՄԻ ԴԵՄ ՊԱՅՔԱՐԻ ԿԱՌԱՎԱՐՈՒԹՅԱՆ ՈՎՋՍԱՎԱՐՈՒԹՅՈՒՆԸ ԳԻՇՏ Է»

Սեպտեմբերի 16-ին, Հայաստանի ազգային ժողովում կառավարության անդամների հետ հարցուպատասխանի ժամանակ, Նիկոլ Փաշինյանը հայտարարեց, որ կառավարությունը կորոնավիրուսի դեմ պայքարի ռազմավարության առումով ամեն ինչ ճիշտ է արել, հանրությունից ոչինչ չի թաքցրել:

- Հայաստանի կառավարությունը, ինչպես պարտավորվել էր, 100 տոկոսով թափանցիկ է եղել եւ շարունակում է թափանցիկ մնալ՝ կորոնավիրուսի հարցում: Ընդհանուր առմամբ, ամենակարեւոր ցուցիչը, որը պետք է նայել, մեր օրական դրական դեպքերի տոկոսային հարաբերությունն է թեստերի հետ: Մենք այսօր արդեն բավական երկար ժամանակ հասել ենք մի տոկոսի, որ ամիս ու կես առաջ նույնիսկ չէինք կարող մտածել, որ կհասնենք այդ ցուցանիշին: Մեզ մոտ 5-6 տոկոս են դրական դեպքերը՝ թեստերի թվի հետ համեմատած,- ասաց Նիկոլ Փաշինյանը:



ՀԱՄԱՎԱՐԱԿԻ ԸՆԹԱՑՔՈՒՄ ՓԱԿԱԾ ԱՇԽԱՏԱՏԵՂԵՐԸ ՎԵՐԱԿԱՆՈՎՎԵԼ ԵՆ, ԲԱՑՎԵԼ Է 6600 ՆՈՐ ԱՇԽԱՏԱՏԵՂ

Հայաստանում կորոնավիրուսի համավարակի ընթացքում փակված աշխատատեղերը վերականգնվել են, դրանից հետո կրկին ավելացում է արձանագրվել: Այդ մասին Ազգային ժողովի անդամների հետ հարցուպատասխանի ժամանակ հայտարարեց Հայաստանի վարչապետ Նիկոլ Փաշինյանը:

- Այդ վիճակագրությունը պաշտոնական, ամենաբնական վիճակագրությունն է: Եվ այդ հաշվետվությունները չեն կարող օդից լինել, քանի որ ամեն հաշվետվություն այդ հաշվետվությունը ներկայացնողի համար առաջացնում է ֆինանսական պարտավորություն, խոսքը եկամտահարկի հաշվետվությունների մասին է,- հայտարարեց Նիկոլ Փաշինյանը:

Վարչապետը նշեց, որ 2018-ից մինչև 2020 թվականը Հայաստանում հսկայական թվով աշխատատեղեր են ի հայտ եկել, բայց հնարավոր չէ հստակ ասել, թե որն է գրոյից սկսել գործել, որն է, որ ստվերում է գործել, հիմա տեղավորվել է հարկային դաշտ:

- 70 հազար աշխատատեղերի կրճատումը ապրիլ ամսին այն գործոններից մեկն էր, որը կանխորոշեց կորոնավիրուսի

համատեքստում մեր հետագա գործողությունները,- ասաց նա: Վարչապետը հայտնեց, որ ապրիլ ամսին աշխատատեղերի կրճատում է եղել, հետո թիվը վերականգնվել է, հետո՝ աճել: Այդ աճը վերաբերում է 2020 թվականի օգոստոսին 2019-ի համեմատ:

- Շատ կարեւոր է արձանագրել, որ մեր հակաճգնաժամային միջոցառումների մեջ առնվազն մի քանիսն ունենք, որոնց նպատակն է՝ խթանել աշխատատեղերի պահպանումը: Այն ընկերություններին, որոնք աշխատատեղերը եւ աշխատավարձային ֆոնդը չեն կրճատել, գրանտ ենք տալիս: Հուլիս ունեն, որ օգոստոսի տվյալներն ավելի լավ են լինելու, որովհետեւ օգոստոսին մարզերում զբոսաշրջային ոլորտը աշխատել է բառիս բուն իմաստով ծանրաբեռնված,- ընդգծեց Փաշինյանը:

ՌԻՍԿԻ ԽՄԲԻ ՈՒՍՈՒՑԻՉՆԵՐԸ ԴԱՍԵՐԸ ԿՎԱՐԵՆ ՅԵՌԱՎԱՐ

Հայաստանի հանրակրթական դպրոցների՝ կորոնավիրուսային հիվանդության ծանր ընթացքով զարգացման բարձր ռիսկային խմբի 1280 ուսուցիչ տրվել է աշխատանքի կազմակերպման ընտրության հնարավորություն, այդ թվում՝ համապատասխան պայմանների դեպքում հեռավար ձևաչափով աշխատելու տարբերակով:

Վերոնշյալ խմբում դասավարդների թիվը 202 է: Աշխատանքի չներկայացող ուսուցիչների դեպքում դպրոցը կարող է ներգրավել փոխարինող ուսուցիչների՝ առաջացած թափուր ժամերի մասով:

Բացի այդ, 2426 աշակերտի համար ուսումնական գործընթացը կկազմակերպվի կենտրոնացված հեռավար ձևով՝ առաջնորդվելով հանրակրթական ուսումնական հաստատություններում հեռավար (դիստանցիոն) կրթության կազմակերպման կարգով:

«Հիշեցնենք, որ համաձայն Կորոնավիրուսային հիվանդության (COVID-19) պայմաններում հանրակրթական ուսումնական հաստատություններում գործունեության կանոնների՝ սովորողը կարող է չհաճախել դպրոց, եթե առկա է ծնողի կամ օրինական ներկայացուցչի դիմումը, երբ սովորողն ունի կորոնավիրուսային հիվանդության ռիսկի խմբի հիվանդություններից որեւէ մեկը՝ համաձայն

Հայաստանի առողջապահության նախարարության սահմանած ցանկի, տանն առկա է կամ հայտնաբերվել է կորոնավիրուսային հիվանդության ախտանիշներով կասկածելի կամ հաստատված հիվանդ, տանն առկա է կորոնավիրուսային հիվանդության ռիսկի խմբի ընտանիքի անդամ, եւ առկա է համապատասխան ցուցում բժշկական հաստատության կողմից: Հավելենք, որ այս տարի Հայաստանի հանրակրթական դպրոցներում սովորելու է 397607 աշակերտ, իսկ առաջին դասարան է հաճախել 38186 աշակերտ», - ասված է Հայաստանի կրթության եւ գիտության նախարարության հաղորդագրության մեջ:

ԱՆՅՎԱՅՎԵՅ ՀԱՅԱՍՏԱՆ-ԱՄՆ ԱՌԵՎՏՐԻ ԵՎ ՆԵՐՊՐՈՒՄԱՅԻՆ ՀԱՐՅԵՐՈՎ ԽՈՐՀՐԴԻ ՆԻՍ

Սեպտեմբերի 15-ին, Երեւանում, անցկացվեց Հայաստան-ԱՄՆ առևտրի եւ ներդրումների համատեղ խորհրդի երրորդ առցանց նիստը:

Նիստի ընթացքում քննարկվեցին Հայաստանի եւ ԱՄՆ միջեւ երկկողմ հետաքրքրություն ներկայացվող հարցեր աշխատանքի, առևտրի տեխնիկական խոչընդոտների, ԱՄՆ-ի կողմից Հայաստանին տրամադրվող Արտոնությունների

ընդհանրացված համակարգ (GSP) ծրագրի, ԱՄՆ ներմուծման սահմանափակումների եւ բուսասանիտարական պահանջների, ԱՀԿ շրջանակներում ընթացող բանակցությունների, առևտրային դիվանագիտության ոլորտում համագործակցության կազմակերպման կարգով:

ցության, ինչպես նաեւ COVID-19-ի առնչությամբ ոլորտային համագործակցության հնարավոր ուղղությունների եւ այլնի վերաբերյալ:

Հայաստան-ԱՄՆ առևտրի եւ ներդրումների համատեղ խորհուրդը հիմնվել է 2015թ. մայիսի 7-ին Հայաստանի կառավարության եւ Ամերիկայի Միացյալ Նահանգների կառավարության միջեւ

ստորագրված առևտրի եւ ներդրումների շրջանակային Համաձայնագրով:

Հայաստանի առևտրաշրջանառությունը Միացյալ Նահանգների հետ 2019 թվականին կազմել է 334.23 մլն ԱՄՆ դոլար, ինչը, նախորդ տարվա համեմատ, աճել է 47.8 տոկոսով (2018 թվականին կազմել է 226.06 մլն ԱՄՆ դոլար):

5-ՕՐՅԱ ՎՃԱՐՎՈՂ ԱՐՁԱՎՈՒՐԴ՝ ՆՈՐԱԾԻՆՆԵՐԻ ՀԱՅՐԵՐԻՆ

Սեպտեմբերի 16-ին, Հայաստանի ազգային ժողովը, երկրորդ ընթերցմամբ եւ ամբողջությամբ ընդունեց «Իմ քայլը» խմբակցության մի քանի պատգամավորների կողմից ներկայացված օրենքի նախագիծը, որով, մասնավորապես, սահմանվում է հայրության արձակուրդը:

Հայաստանի աշխատանքային օրենսգրքում լրացումներ եւ փոփոխություն կատարելու մասին օրենքի նախագիծն ընդունվեց խորհրդարանում ստանալով 116 «կողմ», 1 «դեմ» ձայներ:

Նշվեց, որ նախագիծը հնարավորություն է տալիս նորածինների հայրիկներին, երեխայի ծնվելուց հետո, 30 օրվա ընթացքում, օգտվել 5 աշխատանքային օրվա վճարվող արձակուրդից: Նախագիծը նաեւ ավելի պաշտպանված է դարձնում մինչեւ մեկ տարեկան երեխա խնամող անձանց աշխատանքային իրավունքները: Սահմանվել է, որ երեխային փաստացի խնամող՝ արձակուրդում չգտնվող անձի՝ մինչեւ մեկ տարեկան երեխա խնամելու ամբողջ ժամանակահատվածում աշխատանքի էական պայմանները չեն կարող փոփոխվել նվազ բարենպաստ պայմանների, բացառությամբ պաշտոնի անվանման եւ (կամ) տարակարգերի:



2020 ԹՎԱԿԱՆԻՆ ՀԱՄԱԽԱՆՆ ԵՆԵՔԻՆ ԱՐՏԱԳՐՄԵԸ ԿԵՎՁՔԻ ԶՈՐՍ ՏՈՎՈՍՈՎ

Ասիական զարգացման բանկը (ԱԶԲ) կանխատեսում է, որ Հայաստանի համախառն ներքին արտադրանքը (ՀՆԱ) 2020-ին կնվազի 4 տոկոսով՝ նախկինում կանխատեսված 3.5 տոկոսի փոխարեն, միաժամանակ 2021 թվականի համար կանխագծելով ՀՆԱ-ի 3.5 տոկոս աճ:

COVID-19-ի պայմաններում մեկ տարի առաջ գրանցված 7 տոկոսի Հայաստանի տնտեսական աճը դադարեց՝ այս տարվա առաջին կեսին կրճատվելով 5.7 տոկոսով: Հայաստանի համար գնաճի կանխատեսումը ապրիլի 2.8 տոկոսից իջեցվել է 1.4 տոկոսի այս տարի՝ պայմանավորված ներքին եւ արտաքին թույլ պահանջարկով, նավթի ցածր գնով եւ բավական կայուն փոխարժեքով:

ԱՎԱՆՊԵՐԻ ԵՐԱՇԽԱՎՈՐՄԱՆ ԵՆՍԸ ԲԱՐՁՐԱՑՎՈՒՄ Է

Հայաստանի ազգային ժողովը երկրորդ ընթերցմամբ եւ ամբողջությամբ ընդունեց օրենքի նախագիծը, որով առաջարկվում է բարձրացնել ավանդների այն չափը, որի վերադարձը երաշխավորվում է:

«Ֆիզիկական անջանց բանկային ավանդների հատուցումը երաշխավորելու մասին» օրենքում փոփոխություններ կատարելու մասին օրենքի նախագիծն Աժ նիստում ստացավ 117 «կողմ» ձայն:

Նախագծով սահմանվում է՝ եթե ավանդադրույն անվճարունակ բանկում ունի միայն դրամային բանկային ավանդ, ապա երաշխավորված ավանդի չափը 16 միլիոն հայկական դրամ է՝ գործող 10 մլն դրամ շեմի փոխարեն: Եթե ավանդադրույն անվճարունակ բանկում ունի միայն արտարժույթային բանկային ավանդ, ապա երաշխավորված ավանդի չափը 7 միլիոն ՀՀ դրամ է, գործող շեմը 5 մլն դրամ է:

ԷՐԻԿ ԿԱՐԱՊԵՏՅԱՆԻ ՆՈՐ «ՄԻՐՈ ՊԱՆՊԵՄԻԱ» ԱԼԵՐՍԵ

Չնայած համավարակի տարածմանը, որը մեծ վնասներ հասցրեց ինչպես այլ ոլորտներին, այնպես էլ մշակույթին, շարստեղծագործողներ չդադարեցին աշխատել եւ շարունակեցին նոր գործեր գրել, որոնք սիրով են ներկայացնում հանրությանը: Նրանցից է երգիչ, ծնունդով թբիլիսցի Էրիկ Կարապետյանը, որն այս դժվարին պայմաններում իր երկրպագուների դարձնել է հանչնում «Միրո պանդեմիա» ալբոմը:



ՌՈՒՄԵՐՍ ԶՈՋԱՐՅԱՆԻ ՉՈՒՅԵՐ ՄԻ ՄԱՍԸ ԱՐՔԵՆՆԵՐԻՑ ԱՉԱՍՎԵԼ Է

Սեպտեմբերի 15-ին, Երեւանի ընդհանուր իրավասության դատարանը մասնակի բավարարեց Հայաստանի երկրորդ նախագահ Ռոբերտ Զոչարյանի գույքի վրա դրված արգելանքը վերացնելու մասին պաշտպանների միջնորդությունը՝ Զոչարյանի գույքի որոշակի մասն ազատվել է կալանքից:

Դատարանը նման որոշում է կայացրել դռնփակ ռեժիմով ընթացող դատական նիստի ընթացքում:

Դատարանը դռնփակ ռեժիմով քննում էր Ռոբերտ Զոչարյանի գույքի վրա դրված արգելանքի վերացման միջնորդությունը: Դատարանը պահանջել էր արգելանքի տակ գտնվող գույքի եւ բանկային հաշիվների վերաբերյալ ամբողջական տեղեկություն տրամադրել: Նախորդ նիստին պաշտպանները ներկայացրել են պահանջված տեղեկանքները:

ԵԿԵՂԵՑԱԿԱՆ

ՍԵՂՏԵՄԲԵՐ



20.09.2020 Բարեկենդանի Վարազա Սուրբ Խաչին

22.09.2020 Սուրբ Կույսեր Փեփրոնեի, Մարիանեի և Մեծ Վարդանի դասեր՝ Շուշանի հիշատակության օր

26.09.2020 Սուրբ Գեորգ քաջամարտիկ գորավարի, Աղոկտոսի և Ռոմանոս Երզնցողի հիշատակության օր

Գեորգ քաջամարտիկ գորավարի, Աղոկտոսի և Ռոմանոս Երզնցողի հիշատակության օր

ՖՈՒՏԲՈՒԼ

ՀԻՎԱՆԱԼԻ ԱՆԱԿՆԿԱԼՆԵՐԻ ԹԲԻԼԻՍԻ «ԴԻՆԱՄՈՅԻՑ» ՈՒ «ԼՈԿՈՄՈՏԻՎԻՑ» ԵՎ ԵՐԵՎԱՆԻ «ԱՐԱՐԱՏ-ԱՐՄԵՆԻԱՅԻՑ»

Ինչպես արդեն հաղորդել ենք, Վրաստանի և Հայաստանի երեք թիմեր, սեպտեմբերի 17-ին, անդրանիկ հանդիպումներն անցկացրին ՌԵՖՖԱ-ի Եվրոպայի լիգայի որակավորման երկրորդ փուլում:

Թբիլիսիի «Դինամոն» Ուելսի Ռեյսել քաղաքում 1:0 հաշվով առավելության հասավ տեղի «Քոնազ Քի Նոնեդս» ակումբի հետ մեկնամարտում: Որակավորման փուլ իրենց առաջին արգելքը հաջողությամբ հաղթահարեցին նաև Թբիլիսիի «Լոկոմոտիվը» և Երևանի «Արարատ-Արմենիան», ընդ որում, թբիլիսցիները սեփական դաշտում 2:1 հաշվով պարտության մատնեցին Ռուսաստանի, կարելի է ասել ամենահեղինակավոր և ամենահարուստ ակումբին՝ Մոսկվայի «Դինամոյին»:

Որակավորման երկրորդ փուլում բավական տարօրինակ ընթացք ունեցավ «Արարատ-Արմենիա»-Լյուքսեմբուրգի «Ֆուլա Էշ» ակումբի հանդիպումը: Երեք 11 մետրանոց տուգանային հարվածներով, երկու թիմերում կարմիր քարտերով հեռացված մեկական ֆուտբոլիստներով դրամատիկ այդ հանդիպման բախտը որոշվեց հիմնական ժամանակի վերջին րոպեներին, երբ 1:3 հաշվով պարտվող «Արարատ-Արմենիան», երկու տուգանային հարվածով կարողացավ վերականգնել հավասարակշռությունը, իսկ մրցավարի կողմից նշանակված երրորդ խաղափուլի կեսերին՝ խփել հաղթական գոլը:

Այսպիսով, մեր երեք թիմերը, հաղթահարելով Եվրոպայի լիգայի որակավորման երկրորդ փուլի առաջին արգելքը, կշարունակեն պայքարը պատվավոր գավաթի համար:

Սյուսիսով, մեր երեք թիմերը, հաղթահարելով Եվրոպայի լիգայի որակավորման երկրորդ փուլի առաջին արգելքը, կշարունակեն պայքարը պատվավոր գավաթի համար:

ԱՌԱՋՆԹԱՑ ՖԻՖԱ-Ի ՎԱՐԿԱՆԻՇԱՅԻՆ ԱՂՅՈՒՄԱԿՈՒՄ

Վրաստանի և Հայաստանի հավաքականները, Ազգերի լիգայի որակավորման երկրորդ փուլում, իրենց «C» խմբում բավական հաջող հանդես եկան:

Երկու հանդիպումներից հետո իրենց ակտիվում գրանցելով, համապատասխանաբար, 4 եւ 3 միավոր (Վրաստանի թիմը 1:0 հաշվով մրցակցի դաշտում հաղթեց Եստոնիայի թիմին, իսկ սեփական հարկի տակ 1:1 ավարտեց հանդիպումը Հյուսիսային Մակեդոնիայի հետ, իսկ Հայաստանի հավաքականը առաջին հանդիպումում մրցակցի դաշտում 1:2

հաշվով զիջեց Հյուսիսային Մակեդոնիային, իսկ սեփական դաշտում 2:0 հաշվով առավելության հասավ Եստոնիայի հավաքականի նկատմամբ): Ազգային ընտրանիների հաջող Ելույթը անմիջականորեն անդրադարձավ ֆուտբոլի միջազգային ֆեդերացիայի (ՖԻՖԱ) կողմից հավաքականներին տրվող վարկանիշային միավորների վրա:

ՖԻՖԱ-ի կողմից հրապարակված վարկանիշային նոր աղյուսակում Վրաստանի հավաքականը առաջադիմելով երկու հորիզոնականով և ներկայումս հանգրվանեց 89-րդ տեղում: Աղյուսակում իր դիրքերը բարելավեց նաև Հայաստանի հավաքականը: Առաջադիմելով մեկ հորիզոնականով Հայաստանի ազգային ընտրանին զբաղեցրեց 101-րդ տեղը:

Ինչ վերաբերում է վարկանիշային աղյուսակի առաջին տասնյակին, ապա այն, նախորդի համեմատությամբ, որոշակի փոփոխության է ենթարկվել: Առաջին չորս տեղերը շարունակում են զբաղեցնել Բելգիայի, Ֆրանսիայի, Բրազիլիայի և Անգլիայի հավաքականները: 5-րդ տեղում Պորտուգալիայի թիմն է, որը մինչ այդ 7-րդն էր, մեկ աստիճանով նահանջել է Ուրուգվայի թիմը, նույնքան միավորով առաջադիմել է Իսպանիայի հավաքականը: 8-րդը Խորվաթիայի ընտրանին է: Լավագույն տասնյակը եզրափակում են Արգենտինայի և Կոլումբիայի հավաքականները:

«Վրաստան» թերթի խմբագրակազմը, Թբիլիսիի Պետրոս Ադամյանի անվան պետական հայկական դրամատիկական թատրոնը խորապես ցավակցում են Վրաստանի հայ գործարարների միության նախագահ Սամվել Աղեկյանին, սիրելի մոր՝ Էմմա Միսակի Աղեկյանի մահվան կապակցությամբ և ցավակցում հանգուցյալի հարազատներին ու մերձավորներին:



ԴԵՂԻՆ ԱՎՏՈՐՈՒՄՆԵՐԸ ՄԻՆՉԵՎ ՏԱՐԵՎԵՐՁ ԿՅԱՆՎԵՆ ԹԲԻԼԻՍԻ ԵՐԹՈՒՂԻՆԵՐԻՑ

Մինչև ընթացիկ տարվա դեկտեմբեր, Թբիլիսիի դեղին ավտոբուսները կփոխարինվեն բնապահպանական անվտանգության խիստ նորմերին համապատասխանող տրանսպորտով՝ խոստանում է քաղաքապետ Կախա Կալաձեն:

Ըստ քաղաքապետի՝ հասարակական տրանսպորտային պարկի նորացման նպատակը ավտոբուսային ցանցը առավել հասանելի դարձնելն է, դրանում մայրաքաղաքի բոլոր հիմնական թաղամասերի ներառումը էլ, միաժամանակ, տրանսպորտային քաղաքականությունն ուղղված է Թբիլիսիում օդի աղտոտվածության և խցանումների խնդրի լուծմանը:

Հիշեցնենք, որ Թբիլիսիի քաղաքապետարանը ավելի քան 2 տարի է, ինչ շարունակում է մունիցիպալիտետային ավտոպարկի թարմացման գործընթացը: Դեռևս երկու տարի առաջ լայնորեն ներկայացված ծրագրի արժեքը մոտ 110 մլն. լարի է (36 մլն. դոլար): Նշենք, որ մայրաքաղաքում տրանսպորտային բարեփոխումների գործընթացին աջակցում են Ասիական զարգացման բանկը, ինչպես նաև՝ Եվրոպական զարգացման և վերակառուցման բանկը: Միջազգային ֆինանսական այդ մարմինները պատկառելի վարկեր են տրամադրում նոր ավտոբուսների գնման համար, նաև օգնում են քաղաքի համար ընդհանուր տրանսպորտային պլան կազմելու և ավտոբուսային ցանցերի զարգացման հարցում:



«Վրաստան» թերթի խմբագրակազմը, Թբիլիսիի Պետրոս Ադամյանի անվան պետական հայկական դրամատիկական թատրոնը խորապես ցավակցում են Վրաստանի հայ գործարարների միության նախագահ Սամվել Աղեկյանին, սիրելի մոր՝ Էմմա Միսակի Աղեկյանի մահվան կապակցությամբ և ցավակցում հանգուցյալի հարազատներին ու մերձավորներին:

Table with 7 columns and 10 rows containing numbers 1 through 51.

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Անկուշտ, ազահ: 8.Իր: 9.Հյուսիսային բեւեռի շրջակայքը: 10.Բանկային գործողություն: 13.Ծուռունուռ գրերի ամբողջությունը: 17.Ոտքի նեղ ճանապարհ, արահետ: 18.Կրակից ստացած վերք: 21.Իղձ, տենչանք: 24.«Մեզի, ... մեծ ավետիս»:

3.Պարսկահայոց անսագիր: 4.Օղապարան: 5.Շրթունք: 6.Միտքը չլեցնորոնացած: 7.Միջնադարյան ֆեոդալական տիտղոս Արեւմտյան Եվրոպայում: 11.Ինքնիշխան պետություն Հարավարեւմտյան Ասիայում՝ Արաբական թերակղզու վրա: 12.«Լեռ» ուղտի մեջքին: 14.Փափուկ հենարան գլխի տակ դնելու համար: 15.Վտանգի կոչ: 16.Արմատ (ժող.): 19.Գրական ժանր: 20.Շրջանակ, շրջագիծ: 21.Գետինը մաքրելու շոր: 22.Կողպեք: 23.Խորհրդային և ռուսական թատրոնի և կինոյի դերասան Ջինովի ...: 26.Թաղամաս Երեւանում: 28.Բանտ: 30.Հայ փիլիսոփա և գիտնական: 32.Հանցանքին թողություն խնդրելու բացականչություն: 33.Քարթլի (Իբերիա) թագուհի: 37.Ծալկայի շրջանի Այազմա գյուղում ծնված հայ գուսան: 39.Մոմապատում: 40.Թունամյան, «Շունն ու ...»: 41.Դարձյալ, նորից: 46.Պոչ: 47.Հայաստանի միջնադարյան մայրաքաղաքներից:

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Վաղարշապատ: 9.Հայկ: 12.Արար: 13.Արարատ: 14.Շարա: 15.Շերամ: 16.Իմ: 17.Սմբակ: 19.Բեռն: 20.Ուրո: 23.Իսկ: 24.Անապակ: 29.Չաղ: 30.Տերյան: 34.Աքրա: 36.Ապագա: 38.Անրի: 39.Չքնաղ: 40.Ալի: 42.Նաղաշ: 44.Ազատ: 47.Արազ: 48.Ալնա: 50.Կանաչ: 52.Հո: 53.Առ: 55.Առարկա: 57.Առկա: 58.Ներկա: 59.Արի: 60.Ուռեկի: 61.Գագրա: 62.Ագապի:

ՊՐԴՂԱՅՈՒՄ. 1.Վաշտ: 2.Արա: 3.Ղարիբ: 4.Արամ: 5.Շուշանիկ: 6.Պարսիկ: 7.Արամ: 8.Տամբով: 9.Հայկ: 10.Ատ: 11.Կորյուն: 18.Ալ: 21.Ռա: 22.Բառ: 25.Աչք: 26.Պարանա: 27.Աղան: 28.Կյանք: 31.Ապա: 32.Նաղարա: 33.Փարիզ: 35.Սիփան: 37.Սուղուկյան: 39.Չկա: 41.Լաչակ: 43.Շահան: 45.Չավակ: 46.Տկար: 47.Անգարա: 49.Կորեկ: 51.Հանուն: 54.Ռաբաթ: 56.Կրիա: 59.Ագի:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan.press@gmail.com

Գրանցման վկայական № 4 4 - 1439 «ԿՈԼՈՐ» հրատարակչություն

«ՎՐԱՏԱՆ» Тбилиси, Грузия <VRASTAN> Georgia, Tbilisi Индекс 66445